

客窗夜話

黃士達太古遺音：（明正德十年即 1515 年）

霸情旅思，故國他鄉。久相別，嘆那參商。忽相見，喜也非常。對此燈光，兩訴衷腸。世態多有炎涼，客路何苦風霜，風霜，風霜利名韁。吳楚東南望，看那江山雄壯。心腹話連床，百年詩酒疎狂。

感古慨今

今古呵，嘆英雄，誰是英雄。記農夫與漁翁，南陽東海，一舉成空。思憶臥龍，霸業也于今皆已成空。成空，成空，盡成空。

吟詩酌酒

唾珠璣也，音律呵，病有詩魔，六呂詩翁雅，音韻也難和。金叵羅，梨花竹葉，香味更酩。鼻有蟲磨，高陽輩如何，李杜如何。如何，如何，更如何。

日空過，髮婆娑。容顏呵，漸消磨。消磨，消磨，漸消磨。

謝朓也，卜宅東山，其樂待如何。蓴鱸張翰憶江東，賈誼也屈于長沙，其忠待如何，徒爾奔波。

隱顯也皆前定，興亡也皆前定，富貴也皆前定，貧賤也皆前定，成也敗也誰人證。

遙看錢塘月，慨我詩人興。圓也一般明，缺也一般明，月圓月缺千古明。天涯呵，海角呵，離別呵，歡會呵，膠漆呵，金蘭呵，陳雷呵，神交心契呵，人生歡會少別離多，花落花開可奈何。

懶雲窩，醒時詩酒，醉時唱個太平歌。儘快樂，人生富貴，猶如那箇花開落。人生歡會少，別離多，花落花開可奈何。

千里一方

北鎮沙陀，千里雲合接黃河，溜滾金波。只俺羲皇人快樂，快樂，快樂，閑快樂。

懶雲窩，日月如梭，不如隨時過活。快樂，快樂，快樂，閑快樂，儘快樂，世態參破。只俺羲皇人快樂，快樂，快樂，閑快樂。